

О САЩИМАТЯ

Сащималея!

О сащимати те жангавес амен - си шани!
Ама бирден о най-англуно манглипе, маччо
далдинел хоредер е холйенге андо батаки,
ко ттан е чирикляне урайбнаске, учесте -
те слединел и свиткин кариг и телепатия,
дур катар и вегетация, цъмя тай хапиря керке.

Драбарел тревогаса о закона и лошалин чори...
Хондинел, ан о манушикано-биманушикано сани...
Утешинел пес, катар о асаба, саво асал о мамютно,
ангаля ппутерде, ппутерел хохавне, обречиме бах...

Генел фроля, мерел ленге жи трескате.
Гаравел кърлалипе. На совел. Денединел.
Кроинел, тетикесте саво невипе, нево те керел,
те кяринел лове ваздипнаске, чорялдан...
Сапне, допеле презал тепихи ашарутно, сапне.

Тай харчиме, билавдо си о авдйесутно диес...

Палал адалккесте анди и ират и лошали ухелно
Риконо, кинно-кинимнастар, боккатар...
Совел... Нащи досовел песке! Акушел и явин,
кай жангавел... Тай то сащирики, акушел
би сащиме, космикани сила...

Шанярнея, соске на умблавес
е ловенгере финикийцос, вампири-чор вогяно,
саво чорел, лел, састо торо шани-лове?
Ил па секаске, екаек те раздес?
Едикки, киборто требел-секаске!
За те векувинел андо састокучипе и бах,
то шани жангавдипе, шани-сащилитно,
машкар те сащиенде миля! Сащималея!

